

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 68. stav (1), člana 70. i člana 72. stav (3) tačka a) Zakona o javnim nabavkama („Službeni glasnik BiH“, broj: 39/14) i tačke 3.1. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2019. godini, broj: 07-14-4987-2-9/19 od 06.09.2019. godine, na prijedlog Ministarstva finansija, Vlada Zeničko-dobojskog kantona, kao ugovorni organ, na 36. sjednici, održanoj dana 19.12.2019. godine, d o n o s i

ODLUKU

o izboru najpovoljnijeg ponuđača za LOT 5

Član 1.

(Izbor najpovoljnijeg ponuđača)

(1) Ponuda ponuđača NLB Banka d.d. Sarajevo, ul. Džidžikovac br. 1., 71000 Sarajevo, za LOT 5 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2019. godini, koji je objavljen dana 06.09.2019. godine u 15,32 h na Portalu Agencije za javne nabavke, pod brojem: 14143-1-2-4-3-4/19, proglašava se najpovoljnijom, te se izabranom ponuđaču dodjeljuje ugovor za pružanje usluga dugoročnog kreditnog zaduženja Zeničko-dobojskog kantona u 2019. godini, za LOT 5.

(2) Odbacuje se ponuda ponuđača Union Banka d.d. Sarajevo, ul. Hamdije Kreševljakovića br. 19., 71000 Sarajevo, za LOT 5 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2019. godini, iz razloga što ponuđač u ostavljenom roku nije dostavio sve tražene i validne dokaze koji su morali sadržavati potvrdu da je u momentu predaje ponude ispunjavao sve uslove koji se traže Tenderskom dokumentacijom i članom 45. Zakona o javnim nabavkama.

(3) Stavlja se van snage Odluka o izboru najpovoljnijeg ponuđača, broj: 02-14-16241/19 od 31.10.2019. godine, kojom je ponuda ponuđača Union Banka d.d. Sarajevo, bila proglašena najpovoljnijom za LOT 5 javne nabavke za pružanje usluga dugoročnog kreditnog zaduženja Zeničko-dobojskog kantona u 2019. godini.

Član 2.

(Dostava odluke i obavještenja)

(1) Ugovorni organ će putem Ministarstva finansija Zeničko-dobojskog kantona ovu odluku i pismeno obavještenje o rezultatima postupku nabavke dostaviti svim ponuđačima koji su učestvovali u postupku javne nabavke za ovaj Lot, najkasnije u roku od sedam dana od dana donošenja ove Odluke, u skladu sa članom 70. i članom 71. stav (1) Zakona o javnim nabavkama, zajedno sa zajedno sa Zapisnikom Komisije o kontroli dokaza o kvalificiranosti dostavljenih od strane ponuđača u skladu sa članom 45. Zakona o javnim nabavkama.

(2) Daje se ovlaštenje Ministarstvu finansija Zeničko-dobojskog kantona da u ime ugovornog organa može eventualno podnesenu blagovremenu, dopuštenu i od ovlaštenog lica izjavljenu žalbu protiv ove Odluke, proslijediti Uredu za žalbe Bosne i Hercegovine na nadležno postupanje u skladu sa članom 100. stav (5) Zakona o javnim nabavkama.

Član 3.

(Stupanje na snagu i objava Odluke)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se putem Stručne službe Vlade objaviti i na internetskoj stranici Vlade Kantona i to istovremeno s upućivanjem odluke ponuđačima koji su učestvovali u postupku javne nabavke za LOT 5.

Pouka o pravnom lijeku:

Protiv ove odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove odluke.

Broj: 02-14-18453 /19
Datum, 19.12.2019. godine
Zenica



DOSTAVLJENO:

- 1x Ministarstvo finansija,
- 1x NLB Banka d.d. Sarajevo,
Ul. Džidžikovac br. 1., 71000 Sarajevo, putem Ministarstva finansija,
- 1x Union Banka d.d. Sarajevo,
Ul. Hamdije Kreševljakovića br. 19., 71000 Sarajevo, putem Ministarstva finansija,
- ☒ 1x Web stranica Zeničko-dobojskog kantona,
- 1x "Službene novine Zeničko-dobojskog kantona",
- 1x a/a.